

THE PRIME MINISTERS

ARUBA
1986 - 2025

"Cada un di Aruba su Prome Ministernan, cu nan forma y estilo, a sa di brinda e isla e servicio cu segun nan vision tawata e miho pa Aruba.

Disfruta di "The Prime Ministers" y ohala cu cada ciudadano di Aruba, inclui tur hoben, por ta educa y inspira pa sa mucho mas di Aruba su Staatsinrichting cu ta hunga un rol asina importante den nos bida".



MAART 2025

Un proyecto di Stichting Klein Aruba y sr. Omar W. Harms

JAN HENDRIK "HENNY" ALBERT EMAN d.f.m.

Henny a crece den e bario di Klip na Oranjestad. Su mayornan tawata Blanche y Albert, Shon A, Eman. E ta e mayo di total 8 yiu di e famia. Despues cu Shon A a fayece, Henny, como e ruman mayo a tuma e liderazgo na cas over.

Tawata na comienso di añanan setenta di siglo 20 cu Henny studiando Ley na Leiden, Hulanda, a bolbe Aruba pa duna bida nobo na partido Arubaanse Volks Partij – AVP.

1 di januari 1986, Henny ta bira e prome Prome Minister di Aruba. Henny a sirbi Aruba dos biaha mas como Prome Minister entre 1994 y 2001. Na 1990 Henny a ricibi e condecoracion como Ridder in de Orde van de Nederlandse Leeuw.

Lamentablemente Henny no ta cu nos mas, como cu dia 6 di januari 2025, cu 76 año, e ta fayece. El a ricibi un entierro digno cu tur honor di un mandatario y ta laga atras su señora Iris Eman, su yiu, tres nieto, famia-, amigonan cerca y su pueblo cu tanto a stim'e.

NELSON "NEL" ORLANDO ODUBER

Nel a nace dia 7 di februari 1947 y ta bini di e bario Siribana. Su mayornan ta Urbano Oduber y Carmen Felepina Croes y e tin total 12 ruman. Cu 16 año Nel ta perde su tata.

Nel tawata un campeon den atletismo representando Aruba den exterior. Na 1967

Nel ta bay Hulanda caminda el a studia na Tilburg y Utrecht.

Nel ta sirbi Aruba como Prome Minister na 1989, 1994, 2001 y 2005.

Nel ta casa cu Glenda Oduber, tata di tres yiu homber Glenson-, Dangui- y Chito Oduber. Tambe Nel ta welo di tres nieto. Nel ta keto bay masha stima y respeta pa tur famia-, amigonan y tambe pa pueblo di Aruba.

Na 1995 Nel a ricibi e condecoracion como Ridder in de Orde van de Nederlandse Leeuw.

MICHIEL GODFRIED "MIKE" EMAN

Mike a nace dia 1 di september 1961 y ta e yiu menor di e 8 yuinan di e matrimonio Blanche- y Albert, Shon A, Eman.

Mike a ricibi su titulo di Meester in de Rechten na Universidad di Antias UNA na 1992.

For di 2009 te 2017, Mike a ocupa e puesto di Prome Minister di Aruba. Durante su gobernacion el a enfoca riba crecimiento economico pa medio di Turismo, inversion den Infraestructura creando un miho bida pa esnan cu ta biba na Aruba.

Mike ta conoci como un persona creativo, visionario, ambicioso pa su proyectonan y yena cu energia pa sirbi su pueblo.

Mike ta felizmente casa cu Doina Eman-Neagoy, kende e ta bisa di ta e pilar mas grandi di su bida cu ta sostene den tur cos.

EVELYNA "EVELYNE" CHRISTINA WEVER-CROES

Evelyn Wever Croes a nace dia 5 di december 1966 na Leiden y ta yiu di Hendrik Seferino Croes y Filomena Croes-Garrido. Evelyn ta ruman di Eduard- d.f.m. y Irene Croes.

Evelyn nunca tawata di bay dreठा politica. Na 2008 tanto Nel Oduber como su omo Rudy Croes d.f.m. a acerc'e y despues di hopi insistencia a logra convence pa bay den politica.

Evelyn Wever Croes tawata e di 4 Prome Minister di Aruba y a sirbi e isla como Prome Minister di 2017 pa 2025. Evelyn ta e prome dama den e funcion di Prome Minister di Aruba.

Durante su gobernacion el a dirigi Aruba den e pandemia di COVID-19 y a tuma medidanan pa stabilisa Aruba su finanzas publico.

Evelyn ta felizmente casa cu Kenneth Wever y ta mama di Christine-, Kevin- y Claudine Wever. Tambe, Evelyn ta wela di Tristan.



Aruba Tourism
Authority



ARUBA PORTS AUTHORITY NV
ORANJESTAD + BARCADERA

